

F. F.
ORDINIS THEOLOGICI
DECANUS,
PHILIPP. LUD.
HANNEKENIUS,
Doct. & P.P.
LECTORIBUS
Prosperitatem in DOMINO

pr.



I. Petr. IV,
15.



Lienæ rei tractator, qui Petro Apostolo est ἀμολογησιότης, ut variæ actor pravitatis introducitur, cui insinuatus quasi deprehendatur & homicida, & fur, & maleficus; In malefico blasphemus & atheista; in fure raptor bonorum proximi; in homicida famæ vitæque sicarius deprehendetur. Episcopus adeò negotiosus Petro audit, sed pravitate, sed nequitiâ negotiosus, qui aliena, appetendo sibi lucrum quærit, ut fur, ut latro, ut quicumque alius nequitiæ artifex. Quos habituri erant in sancto ministerio successores sibi Apostoli, hâc feriâ admonitione erant instruendi, ne exorbitatione ministerialis inspectionis, externa & aliena tractando, in tantum crimen inciderent, per quod latronibus & maleficis compararentur. Hoc opus hic labor est doctorum papæorum, de potestate temporali & imperio ejus in totum orbem disputantium, ut ne affinis ἀμολογησιότης, copiosissimi criminis, (quo Ecclesiæ

clesiae Christianae internus hostis & truculentissimus,
 sacris literis depingitur,) reus peragatur. Sed ut
 pulverem excitant & varios fumos, qui in meridie,
 sole lucente, respuunt videri; ita veritatis jubar in
 Servatoris dicto pellucens; *regnum meum non est de
 hoc mundo; Reges gentium dominantur; vos autem non
 ita;* & in illis, quae Apostoli explicaverunt de munere
 & ministerio Episcoporum Doctorumque Ecclesiae,
 tanquam diviso & distinctissimo à potestate civili, &
 cum ea non confundendo, miris distinctionibus, &
 variâ contradictione, ut fit inter hostes veritatis, co-
 nantur obfuscare. Aliter scilicet *Theologi*, aliter *Canoni-
 sta* difficultati controversiae succurrunt. *Theologi* *Conf. Bel-*
scripturarum lumen formidantes, Pontificem habere *larm. lib.*
directè & immediatè illam temporalem potestatem, *V. de V. R.*
qua Pontificem, negant; ratione autem *spiritualis pote-*
statis, & hâc *mediante*, id est, *indirectè*, omni principe
 saeculari superiorem esse, contendunt, (mirabili jure
 alluvionis, an generationis mysterio? qua potestas
 gignitur ex potestate) qui censuris non tantum Ec-
 clesiasticis, sed & pœnis ab eo talibus subijci possunt,
 quae principatibus eos regnisque & imperio exuant.
Canonista, infallibilis capitis sui audaciâ muniti, ita
 procedunt; *Primò* dicunt, *potestatem jurisdictionis spi-*
ritualium & temporalium immediatam à DEO esse in solo
Papa; *potestatem verò saecularem in Principibus ad mini-*
sterium. *Secundò*, *Papam ut papam jure divino habere*
plenissimam potestatem, in univèrsam orbem terrarum, in
rebus tum Ecclesiasticis, tum Politicis; *Tertiò*, *Dominium*
Principum translatum esse ad Ecclesiam, & residere in sum-

mo Pontifice, ut vicario summi & veri Regis Christi; & ideo posse Pontificem Regna jure suo dare, quibus voluerit fidelium. Viri in Papatu boni, & qui tyrannicam illam doctrinam non possunt non fastidire, salvo dogmate, aliàs itidem infano, quod Pontifex sit caput totius Ecclesie, apertè profitentur, Pontificem Romanum nec divino jure, nec Christi institutione, habere rerum temporalium dominium, potestatemve, aut jurisdictionem, sive recta, sive indirecta audiat; sive absolute, sive relate ad bonum spirituale consideretur; neque posse Principes supremos, quocumque evenire criminis reatu possit, suis dominiis & ditionibus spoliare. Hi Baronio & Bellarmino audiunt Politici, & Hæreticorum nomine traducuntur. Pontifices ipsi pro Cathedræ suæ eminentia, insuper habitâ ejusmodi distinctionibus, absolute pronunciant, sibi

Dist. XXII, omnes Reges subesse; Nicolaus II. apud Gratianum; Romanam Ecclesiam ille solus fundavit, & super petram fidei mox nascentis erexit, qui beato æternæ vitæ clavigero terreni simul & cælestis Imperii jura commisit; Ideo Augustinus Triumphus testatur, Papam consecrari ut Sacerdotem; & coronari ut Regem; festumque coronationis nunciare omnibus Regibus. Quam maxime apud Sixtum V. Bellarminus, pro sententia Theologorum pugnans, iniverit gratiam, prodidit Barclajus cum aliis. Tractavit uberrimâ Oratione idem de manifestissima Pontificis Romani ἀνορθόδοξο πῆ argumentum Vir multis in Ecclesiam orthodoxam meritis clarissimus, SUMME REVERENDUS, DN. CHRISTIANUS LEHMANNUS, SUPERINTENDENS & PASTOR FREIBERGENSIS VIGILANTISSIMUS, quam cras, D. V., de more Can-

De Potest. Eccl. art. VII. qv. 1. conf. Pigh. Hierarch. Eccl. c. V. De Potest. Pap. c. 13.

re Can-

re Candidatorum Theologiæ ex Cathedra Lutheri
recitabit. Ejus hic, velut in tabula, vitam & divinæ
providentiæ ductum delineare annitar, ut omnino
novi Oratoris Sacri pretium agnoscat, qui bono-
rum judicio omnium sit dignissimus, cui dicenti fre-
quentissimum, sedulum, pacatum, & pietatis veræ
votis negotiosum compareat Auditorium. Sæcu-
lo, quod propè decurrit, medio, Anno XLII. postrid.
Kal. Dec. natus est *Scheibenbergæ*; Patre, Theologo
gravissimo, Ephoriæ Annæbergensis Seniore & Pasto-
re, CHRISTIANO LEHMANNO, Viro sanctæ fun-
ctioni, cui ultra LV. annos præfuit, admodum com-
modo, agendisq; rebꝯ eruditis & commentandis aptis-
simo; *Historiam* scripsit Montanæ Regionis Misnicæ,
seu *Piniferi*, quæ inter M. S. hæredū celebratur. Matre
EUPHROSYNA, Filiâ Prætoris Elterlinensis KREU-
SELII, optimâ, matronalibus virtutibus pietatisq; ve-
ræ laude & societatis maritalis benedictione plus L. an-
nis clarissimâ. Fratrem habuit, natu majorem, jam
beatis adscriptum, Jctum & Confiliarium Saxonicum
Martisburgensem celeberrimum, D. THEODOSIUM
LEHMANNUM; Minorem adhuc dum, M. IMMA-
NUEL LEHMANNUM, Ecclesiæ Görlizensis Mini-
strum fidelissimum, in vivis secum strenuè militan-
tem gratulabundus fraternè prædicat. Positis La-
tinæ & Græcæ Linguæ rudimentis, Scholæ Chemni-
censis factus alumnus, Rectoris informatione dex-
terrimâ, M. ALBINI SEIFRIDI, & hoc ad Pastora-
tum & Ephoriam vocato, M. EGENOLPHI feliciter
usus est. Inde anno LVIII. Lipsiam concessit; ut

probitas & virtus facile apud bonos inveniunt Patro-
cinium, ita & ab illa & ab hac commendatus, adjectâ
musicæ peritiâ & modulandæ vocis gratiâ, integro
lustro in Schola Thomana liberalitatem Nobilissimi
Senatus Lipsiensis, in commodum insigne studio-
rum, est expertus; De Disciplina Scholastica tum
præclare merebantur, quorum gratisima ipsi est me-
morja, M. CRAMERUS, KNUPFERUS, HORLE-
MANNUS, & præcipuo nomine, P. P. & Theologus
Excellentissimus, FR. RAPPOLTUS, cui, secundum
DEUM, ob humanioris literaturæ communicatio-
nem, se plurimum debere, tanquam piis fati paren-
taturus, confitetur. Agnovit & privatâ se auctum
eruditione Fratris majoris, & M. GRÆFII, M. PRÆ-
TORII, & *aliorum*, qui certatim succrescentem ad-
modum in studia altiora nobilem juvenem prove-
here desiderabant. In Academiam receptus, Philo-
sophiæ primò, ut sunt ordinata eruditorum studia,
sedulam navavit operam; Præceptores nactus, toto
eruditorum orbe meritis maximis inclytos, RAP-
POLTUM, ITTICHIIUM, ALBERTI, MENCKE-
NIUM, PREUSSIUM, THILONEM; L. GLAU-
CHIO manu ducente Theologiæ se applicuit, & pu-
blicas D. KROMAJERI, & D. SCHERZERI, Lectio-
nes curatè frequentavit. GOTTFRIDI CHRISTI-
ANI BOSII familiæ adscriptus, instructissimæ Bi-
bliothecæ continuo usu plurima percepit doctrinæ
incrementa, comparatâ celeberrimorum Nominum
notitiâ, exactorumque in omni scientiæ genere mo-
numentorum. *Anno LXIII.* in nostram pervenit A-
cade-

cademiam, auditisque sedulò Viris, Academiae cœlesti jam insertis DONATO, STRAUCHIO, WENDELERO, cujus filiis proficuâ sibi admodum in literis pædagogia per triennium præfuit; & per DEI gratiam adhuc superantibus, DN. KIRCHMAJERO, & DN. ROEHRENSEE, Professoribus Senioribus, gloria nominis & apud exteros venerationem maximam consecutis, honoribus Magisterii, unâ cum fratre minore, auctus fuit, postquam sub Præsidio DN. ROERENSEI de *Sobrietate*, & DN. ROESERI, de *transitu exercituali*, cum applausu auscultantium, disputasset. Theologis, indelebilis memoriae, CALOVIO, MEISNERO, QVENSTEDTIO, & quem divina gratia porrò clementissimè sospitet, meritisimo DN. nostro Seniori, D. DEUTSCHMANNO affiduis auditor adhæsit. Domum vocatus D. ZIMMERMANNO, Ephoro Misnensi, operam suam in excerpenda Bibliotheca ejus, & librorum editione desideratam commodavit; adsuefactus toto studiorum cursu magis ad lucrum gloriae alienae, quam propriae; servato *Pauli* monito, ad *Philippenses Capite secundo, vers. 4.* Historiam suae ad S. ministerium vocationis ipse nuper succinctè ornatèque explicavit, quam ejus verbis reddam. *Destinatus à Patre in sublevationem ætatis ingravescens, autoritate Protosynedrii, An. 1669. exeunte, Parenti Scheibenbergæ in ministerio Ecclesiae adjunctus fuit, inque ea statione permansi quinque annos & sex menses; donec Annæbergam legitime vocatus Diaconi functionem subii. Quinquennio elapso, variis casibus exercitatus, B. Collegæ M. Vogelhauptio surrogatus; & ite-*

TUM



ax II
390

rum post quinquennium, in locum Celeberrimi Theologi Dn. D. Kübni, jam Dantisci Ecclesie orthodoxe commodis invigilantis, ad Pastoratum vocatus, & à Sereniss. & Potentiss. Electore Saxonie, Ephoria admotus sum, Anno 1685. cui gravissimo & onerosissimo muneri præfui usque ad hunc annum, 1697. ubi præter omnem expectationem meam Freibergam evocatus fui, publicis lacrymis, qui fuit amor in me incredibilis, ab Auditoribus meis dimissus. In variis difficultatibus, quæ tali functioni adhzrent, magnopere recreatus sum, piis precibus & amore Virorum Clarissimorum & Doctissimorum multorum, præcipue autem τὸ πᾶσι D. S. B. Carpzovii, Serenissimo & Potentiss. Electori Saxonie à Conc. Aul. primariis, & Protosynedrui Senioris, incomparabili humanitate & benevolentia, quam DEUS omni gratiarum genere liberaliter remuneretur. Jam demum Freibergam translatus, non sine merita laude memorare possum Nobilissimi Senatus in mestudia insignia & liberales suppetias ad acquirendum gradum in Theologia. Hic ut majorum more solenniter obtineatur auspiciu ab oratione memorata futurum est. Vestra autem, Academiae Patroni, Doctores, Civesque, Vestra favens frequentia auspiciis bona omina, splendorem animumque oratori, Ordini nostro insignem honorem procurabit; Adeste igitur, favete, & prosperrime agite. P. P. Witteb.

A. O. R. M DC XCVII. XII. Kal.
Octobr.

Prelo SCHRÖDTERIANO, Acad. Typ.

1017

m. 15



QK. 254




COL
AN
MI
DE
SEM

D.
PRO

M. C
SS. TH
PRIN

AI

WI



KODAK Color Control Patches

Kodak

LICENSED PRODUCT

© The Tiffen Company, 2000

IV
ENTICUS
NONICUS,

ISSÆ,
BJECTO,
IERIS,
OVA,

son & sion,
INFORMATIONEM
is,
AUSPICIIS,
HEOLOGICA

Deutschmann/
DREM THEO-
EPHORUM,

MANNUM,
IBERG. PASTOREM
PERINTENDENTEM,

MOS HONORES
A,
ONIBUS
M DC XCVII.
ORI,
RÖDIANIS

CHRÖDTERI, Acad. Typ



26.

